

ADESTE FIDELES

Adeste fideles, læti triumphantes,
venite, venite in Bethlehem.
Natum videte Regem angelorum.

**Rit.: Venite adoremus,
venite adoremus,
venite adoremus Dominum.**

En grege relicto, humiles ad cunas,
vocati pastores adproperant,
et nos ovanti gradu festinemus. **Rit.**

Æterni Parentis, splendorem æternum,
velatum sub carne videbimus,
Deum infantem pannis involutum. **Rit.**

Pro nobis egenum, et fœno cubantem
piis foveamus amplexibus;
sic nos amantem quis non redamaret? **Rit.**